




Sesel in an-ord lo politik Kovid

Pandemi Kovid-19 i avek nou e person pa konnen konbyen letan i pou kontinyen fer fraka atraver lemond. Bokou politisyen ki trouv zot dan lopoziyon atraver lemond pe servi sa katastrof pour met zot gouvènm anba bokou presyon. Isi Sesel menm zafer me i annan en diferans: lopoziyon US napa okenn plan apard swete ki sa pandemi i met Sesel lo son lipye e an retour zot a ganny en lavantaz politik. Malerezman pour lopoziyon, gouvènm i annan en plan solid e malgre serten defi, stratezi gouvènm i reste lo bon semen. Seselwa i komans vwar en lalimyer lespwar. Sepandan napa kalite tapaz ki Lider US ek son lantou- (kontinyasyon lo paz 2)



World Health Organization

Home / News / WHO lists additional COVID-19 vaccine for emergency use and issues interim policy recommendations

WHO lists additional COVID-19 vaccine for emergency use and issues interim policy recommendations

7 May 2021 | News release | Reading time: 3 min (917 words)

WHO today listed the Sinopharm COVID-19 vaccine for emergency use, giving the green light for this vaccine to be rolled out globally. The Sinopharm vaccine is produced by Beijing Bio-Institute of Biological Products Co Ltd, subsidiary of China National Biotec Group (CNBG).

Aprè bann kritik e nouvel negativ, lemond in trouve ki pozisyon ki nou gouvènm in pran i korek. Premye, servi vaksen Sinopharm ti zistifye. Dezyenm, logmantasyon dan ka i pa rezilta en move desizyon.



LDS i rezet akizasyon US ki apwèntman Msye Loncey Micoock koman Zofisye Liezyon pour La Digue ti en aksyon politik

Eski bann siporter LDS pa pou travay?

Pli ale dan Sesel pe devlop en sitiasyon kot sak fwa en siporter parti opouvwar i ganny en dyob dan servis piblik lopoziyon i kriy lasasen. Eski bann siporter LDS pa pou ganny okenn travay dan servis piblik?

Ler LDS in pran gouvènm, okenn travayer servis piblik pa ti perdi zot tra-

vay enkli Dokter Herminie. Li in deside kite akoz i pa kapab aksepte travay anba en gouvènm dirize par LDS. Sa i son swa. Apre tou, son lapwèntman koman Sekreter Deta sete en lapwèntman pirman politik. Sa ti aplik osi pour son Sekreter Zeneral e lezot manm Lasanble Nasyonal ki ti'n perdi zot syez dan parلمان an 2016. (kontinyasyon lo paz 2)

Sesel i bezwen tou son zanfan

Sesel pour tou zanfan. Sa i reste moto gouvèrnman LDS. Par kont, Sesel i osi bezwen tou son zanfan pou kree sa ki meyer pour nou tou e sa i aplik dan tou domenn. Pou kree plis larises, tou zanfan Sesel ki kapab i bezwen fer son kontribisyon e travay dir. Ler i annan defi pour sirmonte, tou zanfan Sesel i osi bezwen donn en koudmen.

Koman en nasyon, nou pe pas atraver pli gran difikilte dan nou listwar e sa nouvo gouvèrnman LDS in pran labar dan en tanpet me zot in montre ki zot annan sa determinasyon e savwar fer pou

reisir. Dan sa moman difisil, sakenn i bezwen fer son bout olye zis asize e kritike.

Sak sitwayen i bezwen seryezman revwar la fason ki nou eksprim nou, sirtou lo medya sosyal akòz reperkisyon i kapab pa dan lentere nasyon ditou. LDS in lager pour protez drwa lekspreyon tou sitwayen e i reste determinen pou protez sa drwa. Sepandan i annan nesite pou egzers sa drwa avek bokou responsabilite.

Dan sa sitiasyon pandemi i annan en pli gran vag lenformasyon ki pe sirkile ki zanmen in deza annan oparavan.



Sesel i osi bezwen tou son zanfan

Parmi i annan bokou lenformasyon ki pa kredib e bokou ki fer avek bann lentansyon malisyè. Nou bezwen egzers bokou swen avan nou propaz nenport ki lenformasyon.

Annou mazin pou dir move lenformasyon i kapab afekte Sesel sirtou akòz nou depan lo lendistri touris e nou pa devret ede propaz lenformasyon ki pou deouraz viziter antre Sesel. Si-

tiasyon ekonomik pe i afekte tou Seselwa parey. Si nou lekonomi i atresi, siporter LDS e siporter US pou ganny afekte parey. Napa balizaz politik ladan. I neser ki nou eksprim nou dan en fason entelizan e sers laverite a tou moman olye zis pas lenformasyon ki pa kredib e ki kapab fer nou ditor. Sesel i bezwen tou son zanfan fer zot devwar anver zot patri.

Sesel in an-ord lo politik Kovid

raz pa pe fer.

Zot pe lager lebra kase pou ferm pei. Zot apel sa 'lockdown' akòz se sa ki zot prezidan ti fer lannen pase ler Kovid pa ti ankor fer sa ta fraka ki i pe fer ozordi e lemonn pa ti konpran sa pandemi osi byen parey zot konpran li ozordi. Selman en lenbesil ki pou pran menm aksyon kan sitiasyon in totalman sanze. Zot kriy 'lockdown' me zot pa dir mannyer Seselwa pour ganny akse avek manze, latizann e lezot prodwi ki pei i bezwen sorti aletranze. Zot osi pa esplik Seselwa mannyer pout met manze lo zot latab si zot napa lanplwa e tou dimuon pe kouve se zot dan 'lockdown'.

Gouvèrnman LDS in pran en desizyon brav pou reouver pei e mantenir lyen ant Sesel avek larestan lemonn anmenmtan ki i garanti tou son sitwayen i ganny vaksen si zot anvi. Eski lider US i kapab esplik bann biznesmenn mannyer pou fer biznes dan 'lockdown' e anpes

zot pran fon. Si napa biznes, mannyer gouvèrnman pou ganny reveni atraver taks ki biznesmenn i peye? Komite biznes e tou Seselwa ki oule travay in fatige avek sa sanson 'lockdown' ki US pe zwe.

Tou dernyerman Seselwa i vwar zot lipokrizi. Lider Lopozisyon, Onorab Sebastien Pillay, ti asize avek Spiker Lasanble Nasyon pou diskrit sispansyon travay 'FPAC' akòz rezon sitiasyon Kovid-19 dan pei. In publikman esplik sa byen kler. Par kont se limenn li sa Onorab ki ti pe an pikpok pou Spiker mont en sesyon Lasanble spesyal pour diskrit en size ki dapre li i tre irzan. In ganny sipor son lider ki'n menm fer en kominike lapres lo sa size. Konmdir sa garson dan bazar : 'pran zot en desizyon foutou!'

Finalman Dokter e Lideran-Sef Patrick Herminie in bezwen fou en lape avek son largiman konmkwa Sesel in servi vaksen ki pa ti ganny

otorize par bann lotorite lasante konpetan. Finalman Lorganizasyon Mondyal Lasante in aprouv vaksen 'Sinopharm'. An plis ki sa, ekspert in vwar ki sa logmantasyon dan nouvo ka i eksplikab

akòz nouvo varyan sa viris e tou pei dan lemonn pou fer fas ek menm sitiasyon. Pa in ler pou sa dokter-konn-tou fou en lape. Eski i pa ankor trouve pou dir son politik Kovid pe refole?

Eski bann siporter LDS pa pou travay?

Bann diferan pozisyon dan gouvèrnman ti ganny kree pour zot. Eski tousala ti OK?

Ozordi zour, i annan en gouvèrnman LDS ki malgre restriktirasyon pe fer son mye pou garanti ki person pa perdi lanplwa me ki zot ganny servi dan lezot pozisyon. An realite i annan bokou zot ki ouvertman bann aktivis US. Person pa pe pini zot malapropo.

Eski US i oule ki LDS i

rezet tou son bann siporter ki profesyonnel e anploy zis siporter US akòz Sesel i pour tou son zanfan?

Lider US i bezwen konpran pou dir ki se en gouvèrnman LDS ki pe diriz pei. Si US pou fer sorti en kominike la pres sak fwa gouvèrnman i pran en desizyon ; met zot pare pou ekrir en kantite akòz sa gouvèrnman LDS se en gouvèrnman ki pran desizyon.